



Broj predmeta: 13-003003/19
Broj akta: 01.1-1141SM-002/19
Datum, 2.10.2019. godine
Mjesto, Brčko

Na osnovu člana 21. i 22. Zakona o Vladi Brčko distrikta BiH ("Sl.glasnik Brčko distrikta BiH", broj: 10/18, 49/18, 8/19 i 10/19) i člana 18. Zakona o javnim nabavkama BiH ("Sl. Glasnik BiH", broj 39/14), gradonačelnik d o n o s i:

POSEBNA ODLUKA O POKRETANJU POSTUPKA JAVNE NABAVKE

Član 1.

Odjeljenje za javni registar, u skladu sa ukazanom potrebom pokreće postupak javne nabavke usluga-izrade projektne dokumentacije za sprovođenje komasacije na katastarskoj opštini Krepšić, za potrebe Odjeljenja za javni registar Vlade Brčko distrikta BiH.

Član 2.

Predmet nabavke je usluga- izrade projektne dokumentacije za sprovođenje komasacije na katastarskoj opštini Krepšić ; naziv iz JRJN: 71220000-6

Član 3.

Procijenjena vrijednost javne nabavke iznosi **30.000,00 KM** bez obračunatog PDV-a.

Član 4.

Sredstva za ovu namjenu su osigurana u budžetu Brčko distrikta BiH za 2019. godinu, organizacioni kod 25030001, ekonomski kod 613900 ili Odlukom o privremenom finansiranju do usvajanja Budžeta za 2020 godinu.

Član 5.

Postupak javne nabavke se provodi u skladu sa članom 45. Zakona o javnim nabavkama.

Član 6.

Ova Odluka stupa na snagu danom donošenja.

OBRAZLOŽENJE:

Pravni osnov za donošenje posebne odluke sadržan je u članu 18. Zakona o javnim nabavkama BiH ("Sl. Glasnik BiH", broj 39/14).

Odjeljenje za javni registar ima potrebu za pokretanje postupka javne nabavke za izradu projektne dokumentacije za sprovođenje komasacije na katastarskoj opštini Krepšić putem donošenja posebne odluke iz sljedećih razloga:

Naime, Odjeljenje za javni registar je prilikom predlaganja amandmana na Budžet Brčko distrikta BiH za 2019. godinu, još u januaru tražilo sredstva za uvođenje radnog mjesta u Komisiji za komasaciju – Viši stručni saradnik – geodeta u komisiji za komasaciju, obzirom da ova Komisija u skladu sa Zakonom o komasaciji Brčko distrikta BiH u svom sastavu mora imati i člana komisije – geodetske struke. Isto tako, amandmanima su tražena i sredstva, u operativnom dijelu budžeta za usluge izvođenja geodetsko-tehničkih radova na uređenju poljoprivrednog zemljišta komasacijom za katastarsku opštinu Krepšić.

Navedeni amandmani odobreni su tek rebalansom Budžeta za 2019. godinu, koji je usvojen 19.6.2019. godine, dok je Odluka o izmjenama i dopunama Budžeta Brčko distrikta BiH odjeljenjima dostavljena tek krajem 6-og mjeseca. Tek nakon usvajanja pomenutog rebalansa Odjeljenje je moglo pristupiti izradi Organizacionog plana Odjeljenja za javni registar, kojim je gore pomenuta pozicija uvrštena u novi Organizacioni plan ovog Odjeljenja.

Organizacioni plan Odjeljenja za javni registar usvojen je julu mjesecu, nakon čega je pokrenuta procedura popunjavanja pozicije geodete u Komisiji za komasaciju, koja je popunjena putem trajnog raspoređivanja zaposlenika, i to Rješenjem, koje je postalo konačno od 2.9.2019. godine.

Slijedom iznesenog, obzirom da su se nakon toga, stekli uslovi za propisani rad Komisije za komasaciju, ista je izradila projektni zadatak za izradu Projekta komasacije k.o. Krepšić, na osnovu kojeg je potrebno raspisati navedeni javni poziv.

Iznesene činjenice predstavljaju razloge zbog kojih se predlaže pokretanje pomenutog postupka nabavke putem posebne odluke, odnosno razloge iz kojih se isti nije mogao planirati ranije usvojenim Planom nabavki za 2019. godinu.

Sredstav za navedenu nabavku, kako je naprijed istaknuto obezbijedena su u Budžetu Brčko distrikta BiH za 2019. godinu

Gradonačelnik:

mr. sci. Sinisa Milić

Dostaviti:

1. Direkcija za finansije
2. Pododjeljenje za javne nabavke
3. Arhiva

